

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 170. An ad alienationem rerum immobilium aut mobilium  
pretiosarum ecclesiæ requirantur solennitates speciales, sine quibus sit  
licita aut valida.

---

[urn:nbn:de:hbz:466:1-73957](#)

Delb. cit. du. 9. num. 12. & 13. citatis Quarant, ubi supra num. 12. & Soprono apud Filiuc. tr. 44. c. 5. quæst. 4. num. 4. Ad causam utilitatis reduci potest remuneratio beneficiorum & meritorum in ecclesiam; cum hac remuneratione invitantur alii ad liberalitatem exercendam in ecclesiam. Everard. vol. 2. conf. 19. num. 52. Wieltn. hoc. tit. num. 50. quin etiam, ut idem num. 552. revocari potest ad necessitatem; cum ita ecclesia effugiat notam ingratitudinis in benefactores suos. Tertia ea commoditas rei alienandæ consistit ferè in utilitate; dum sumptus & labor in illius sustentationem aut culturam faciendi superant fructus inde provenientes, incommoda ejus situatio ob nimiam distantiam ejus, & à reliquis ecclesiæ prædiis disjunctionem, accedente etiam soli sterilitate, potius claustrum, quam emolumenatum afferat, quæ incommode & damno carere, cum sit utile, ejus alienatio in evidenter ecclesiæ utilitatem redundat unde passim hæc causa ad secundam, nempe utilitatem, redundat. Quarta causa est pietas, ob quam ad alienationem rerum ecclesiæ licitè deveniri potest in sequentibus ferè casibus, qui ex D. Ambrol. l. 2. de officiis. c. 28. enumerantur in can. aurum. 12. quæst. 2. Primo pro redimendis captivis, non quidem illis, qui ob patrata criminis damni ad carceres perpetuos, tristemes, aut etiam ad mortem; cum enim tunc contrarium exigatur justitia, ne sceleris manant impunita, & satisfiat Reipublicæ læsa & scandalizatæ, non tantum non tenetur, sed etiam non potest ecclesia ad redimendos illos alienare sua. Covar. l. 2. var. c. 16. num. 9. Molin. de just. tr. 2. d. 468. num. 2. Vafq. de redit. c. 2. §. 2. dn. 10. Pirk. hoc. tit. num. 25. Delb. c. 17. du. 9. num. 27. & 8. aliisque apud illum; verum pro redemptione fidelium à Turcis, paganis, hæreticis, aut etiam à Catholicis injustè incarceratedor, quibus mors, aut grande corporis malum, multo magis anima periculum imminet, non tantum res temporales, sed etiam vasa sacrata, dum alia non sufficiunt, oppignorare, aut etiam distrahere iura permitunt. §. sacra. Inst. de rerum divis. L. sancimus. C. de SS. eccl. novell. 120. c. 10. can. sacrorum. & c. aurum. 12. quæst. 2. Secundò pro sublevanda necessitate pauperum. cit. L. sancimus. auth. de alienat. emphye. c. 9. §. sanctissimus. can. aurum. non tam qualibet, sed extrema; ne fame aut frigore pereant, vel saltē valde gravi. Covar. loc. cit. c. 16. n. 8. Molin. cit. d. 468. Delb. loc. cit. num. 24.. eorum etiam, qui culpâ suâ, ludis, conviviis, luxuriis ad illam necessitatem devenerunt; siquidem culpa antecedens non impedit obligacionem caritatis, quæ est de subveniendo proximo in extrema vel gravi necessitate constituto, ubi Jusititia non exigit contrarium juxta dicta. Covar. Molin. LL. cit. Delb. num. 25. & 26. Unde jam etiam hæc causa pietatis ad causam necessitatis revocari solet. Tertiò pro adiudicanda & instauranda ecclesia, ubi id necessarium est cit. c. aurum. Quarò pro laxandis spatiis cœmeteriorum ad fidelium sepulturam. can. eod. junctâ Gl. v. in his. Quibus addi potest causa contra infideles & hæreticos defendendæ, aut etiam alias propaganda fidei Christianæ. Donat. pr. regular. quæst. 9. num. 11. Wieltn. hoc. tit. num. 58. Porro circa hanc alienationem licitam ob dictas causas notari potest cum Covar. cit. c. 16. num. 8. Molin. cit. d. 468. concl. 2. Pirk. cit. num. 25. in ea hunc servandum ordinem, ut incipiatur ab iis, quæ non sunt destinata ad altaris ministerium, nisi forte essent su-

perficia, aut ad cultum divinum necessaria; inter haec ab iis, quæ non sunt consecrata, ut calices, ciboria &c. quæ non nisi urgentissima necessitate sunt distracta, aut pignori tradenda, sed tantum benedicta, ut casula, albæ &c.

Quæst. 170. An ad alienationem rerum immobiliarum & mobilium preciosarum Ecclesiæ iura requirant speciales solennitates, ita ut sine illis facta non sit licita aut valida?

1. Resp. Primo certas tali alienationi à iure præscriptas esse solennitates, constat & patet ex sequentibus. idque ad coercendam aliquorum Prælatorum nimiam facilitatem & indiscretionem in alienando.

2. Resp. Secundò ad dictam alienationem, ut licet fiat, præter legitimam causam adhibendas sunt solennitates omnes à jure ad hoc præscriptæ, ita ut vel una omessa peccetur mortaliter, etiam dum alienatio facta in utilitatem ecclesiæ; ed quod agat adhuc contra prohibitionem ecclesiæ in re gravi, quod etiam ex eo confirmatur, quod contraheret hac ratione invalidè, de quo mox, qui autem scienter contrahit invalidè peccat, ita Delb. c. 17. du. 21. f. 2. num. 1. Quamvis addat probabile esse, quod si alienet in evidentem ecclesiæ utilitatem, acita utiliter gerat negotium ecclesiæ, contra eum recepta non sit Extrav. ambitos, neque quod ad poenas, neque quod ad peccatum, & ita docere Filiuc. tom. 1. tr. 14. c. 7. quæst. 6. num. 119. Laym. l. 1. tr. 4. c. 16. num. 9. Reginald. in pr. tom. 2. l. 30. tr. 3. c. 6. f. 2. a. num. 69. Dian. p. 1. tr. 8. resol. 7. contra Bonac. p. 4. num. 14. Genuensis. in pr. c. 3. & alios tenentes, quod talis adhuc incurrit poenas dictæ Extrav. juxta declarationem aliquam emanatæ à Clemente VIII.

3. Resp. Tertiò, validam nihilominus esse in foro conscientiæ alienationem factam sine solennitatibus juris à Prælato, ad quem alias spectat iure naturali potest alienandi, in utilitatem ecclesiæ, ubi adhuc causa legitima & consensus liber contrahentium, docent Sylv. in sum. v. alienatio. num. 13. Angel. v. eod. num. 14. Quarant. v. eodem. num. 33. Navar. in comment. de alienat. rer. eccl. Azor. p. 2. l. 9. c. 1. quæst. 91. Reginald. l. c. Filiuc. tr. 14. c. 7. q. 6. Laym. l. 1. tr. 4. c. 16. num. 9. in fine. Pirk. b. t. num. 36. Reiffenst. num. 53. Wieltn. num. 91. & plures alii apud Delb. c. 17. du. 21. f. 1. num. 1. dicentes, hanc sententiam satis probabilem, & ei favere Rotam. contra Suar. tom. 4. de relig. l. 2. c. 77. num. 20. & 21. Covar. l. 2. var. c. 17. num. 2. Molin. cit. d. 468. concl. 6. Castrop. tr. 2. d. unic. p. 15. §. 4. n. 5. Vafq. loco citato du. 14. Ricc. in pr. p. 1. resol. 7. & 12. Bonac. d. 3. de contrac. feud. quæst. 8. p. 4. num. 10. & plures alii apud Delb. loc. cit. atonum. 6. docentes talam alienationem esse irritam, tam quod ad forum conscientiæ quād externum ex hoc fundamento, quod finis irritationis, quo, ut dicitur respon. seq. nititur talis alienatio, quod ad forum externum non sit laesio ecclesiæ & fraus, quæ in hoc vel illo particulari calu omissis solennitatibus contingere possit; sed laesio & fraus, quæ communiter & ut plurimum ex earum omissione contingere solet, qui finis semper perseverat, eti unius vel alius contractus in utilitatem ecclesiæ sine solennitate factus sit. Ratio responsionis est, quod in

in tali alienatione interveniant substantialia ad contractum de jure naturali & genitum requisita ; nempe confessus mutuus liber contrahentium , & justa causa alienandi , absitque fraus omnis & injuria , ad quæ vitanda SS. Canones adhiberi voluerunt dictas solennitates , que proinde extrinsecæ potius sunt , quam substanciales respectu valoris alienationis , ut Barbos . ad c. 1. b. t. in 6. ànum. 6. apud Pith. cit. num. 36. ubi addit. , id ipsum etiam procedere in omni actu , nimurum , quod validus sit in foro conscientiæ , si in eo prætermisso solennitates juris positivi , servato solo jure naturali , ut Sylv. loc. cit. Abb. in c. 1. de in integ. rest. num. 19. Atque ex hac sententia lequitur , quod emens à Prælato , modo jam dijeto alienante rem ecclesiæ , non teneatur in conscientia , neque rem restituere , neque contractum rescindere , quamdiu nemo se isti alienationi opponit , & rescissionem illius à Judice petit. Delb. Pith. LL. citatis.

4. Resp. quartò : De cetero esse talem alienationem factam etiam in evidentem ecclesiæ utilitatem sine solennitatibus ipso jure ecclesiastico irritam quod ad judicium & forum externum cum ferè communis sententiis citati paulò ante AA. tenentes esse irritam quod ad utrumque forum. Item Pith. Delb. LL. cit. & ali contra Muller. in Servu. l. 1. tit. 8. ff. thes. 71. in fine. inter casus , in quibus opus non est in alienatione intervenire solennitates , numerantem illum , quandò manifestè constat , tēm ecclesiæ in commodum illius veram. Idque obclaro textus , quibus ea expressè irritatur in c. fine exceptione. 12. q. 2. c. nulli. b. t. c. 1. b. t. in 6. Clem. I. & Extrav. ambitionis. b. t. c. tua. de his qua fuit à Præl. Neque tamen per citata jura ita irritari dictam alienationem , ut etiam naturaliter seu in foro conscientiæ non valeat ; ed quod , licet Jura Canonica si ve Papa possit alienationem seu contractum circa res ecclesiasticas ita prohibere , ut etiam in conscientia sit irritus , id tamen nisi sufficienter exprimat , non voluisse facere censem , adeoque dicendum , defacto talem contractum spectato jure naturali validum per canones non esse infirmatum ut pro foro quoque conscientia non valeat , tenent. Pith. l. c. Laym. l. c. n. 6. & seq. Unde jam etiam dicitur fundatum illud adversariorum , sed regulam illam : quando lex fundatur in præsumptione fraudis tanquam causa principali & adæquata , ita ut Judex secundum præsumptionem à jure seu lege factam debeat procedere & sententiam ferre in omnibus casibus , etiam iis , in quibus hic & nunc cessat omne periculum & præsumptio fraudis ; cum per hoc , quod ea cesset in casu particulari , nequidem cesset in communis & generaliter ; adeoque lex pergit in tali particulari casu absentia fraudis obligare , ut Covat. in c. cum eſſes. de testam. Laym. l. c. c. 17. n. 4. hanc inquam regulam solum locum habere in foro externo , pro quo leges solum de iis , quæ ut plurimū & communiter accident , feruntur ; pro foro vero interno locum habere hanc regulam , in jure naturæ fundaram : præsumptio cessat , adeoque etiam lex positivæ in ea fundata : ubi de veritate constat , ac ita lex obvitandas fraudes irritans alienationem rerum ecclesiasticarum sine debitib. solennitatibus factas cessat obligare in foro conscientiæ , si constet de veritate , seu fraudem abesse , & manet alienatio valida , donec per sententiam Judicis rescindatur. Contra quam tamen doctrinam videtur facere illud ipsum , quod in confirmationem illius adducit Pith. nimurum quod lex prohibens & irritans matrimonium

clandestinum fundetur in præsumptione fraudis , & tamen tale matrimonium sit invalidum etiam in casu , ubi constat abesse fraudem. Siquidem tale matrimonium etiam in & pro foro interno est invalidum ; nisi dicere velis , speciale id esse ; eo quod Ecclesia id ipsum , seu talis matrimonii invaliditatem etiam pro foro interno seu omnino modam satis declaret ; quodque contractus hic matrimonialis semel validus rescindi nequeat. Unde videatur potius locus esse huic principio , ut ait Delb. loc. cit. num. 10. forum conscientiæ conformandum foro externo , si hoc non innatur falsæ præsumptioni ; ita ut , si leges ecclesiasticae irritent actum pro foro externo , is etiam censeatur irritus pro foro conscientiæ. Unde infero , &

5. Resp. quintò , probabilius videri alienationem factam sine requisitis solennitatibus etiam in evidentem utilitatem ecclesiæ esse invalidam tam in foro interno quam externo. Quò facit , quod revera solennitates istæ sint de forma substanciali (sine qua actus nullus ullatenus validus est) inducta tali actui , non quidem à jure naturæ , sed à SS. Canonicis , à quibus induci potuisse absolutè quod ad utrumque forum , ipsi adversarii facentur. Quid ipsum factum esse , satis colligitur ex eo , quod iudicem SS. Canones alienationi tali derogent omnem valorem (ad eoque etiam valorem in foro conscientiæ) dicendo abolutè irritas & nullius roboris aut momenti ; qua ratio , nescio , an satis diluvatur à Pith. dicente , solennitates illas spectare ad formam substanciali alienationis spectata secundum effectus iuris positivi & fori externi ; non item secundum jus naturale & forum internum quia datut ferè pro responsione , quod est in questione , quā queritur num alienatio , non etiam effectum invaliditatis pro foro interno habeat à jure positivo ecclesiastico , quo asserio argumento ipsorum illorum Canonum. De cetero libenter admittitur , quod alienatio illa invaliditatem illam pro foro interno non habeat à jure naturæ , sicut neque habet effectum invaliditatis pro foro externo habet à jure naturæ ; quia , quantum est de jure naturæ , alienatio talis pro utroque foro est valida. Sed neque ex eo , quod contrahens cum ecclesia sine solennitatibus non possit pro arbitrario suo statere contractum , vel ab eo resilire , sequitur , contractum non esse nullum , qualis si esset , stare illi non posset. Nam quod non possit resilire , non est ex valore contractus , sed quia ita statutum in pœnam si audis , quam præsumitur incurrisse taliter contrahens ; ad quam proinde vitandam & consulendum ecclesiæ concedatur eidem , ut si ipsa velit stare contractum , abque solennitate factò , alter contrahens nequeat resilire ; si vero ea nullatenus stare velit contractum , neque alter ei stare possit ; ecclesiæ tamen volente stare contractum , debet ipsa solenniter approbare contractum , & solennitates omissas suppleat ; quia cum contractus à principio fuerit nullus , de novò contrahit. Ita Delb. cit. du. 21. f. 1. n. 11. remittens ad Sarmiento p. 1. dereditib. c. 2. Vafq. l. c. Abb. inc. sequis. b. t. & Navar. l. 1. conf. 20. de recip. qui etiam , quod ecclesia nolens stare contractum , ipsa aut ejus Prælatus possit rem male alienatam repetere ; eo quod , licet non licet ordinariè proprio facto contravenire , & propriam turpitudinem allegare ; excipitur tamen ; nisi id fiat ob causam necessariam & animæ salutem , aut nomine ecclesiæ vel Reipublicæ. Neque arguitur valor in conscientiæ talis alienationis ex eo , quod , ut res male alienata restituantur ecclesiæ , requiratur rescissio contractus juxta can. Apostolicos. §. quisquis. 12. q. 2. quā rescissione opus

non esset, si contractus ipso jure invalidus. Nam præterquam, quod per hoc æquè oppugnet inva-  
liditas illius pro foro externo, reseissio illa non ad  
obligationem similesve effectus juris spectat, sed ad  
factum referenda, ita ut alienatio, quæ de jure  
nulla est, de facto etiam revocetur. Wiestn. b.t.  
n. 85. cum Gonz. in c. quoties. de pætis. n. 1. Ne-  
que ex hoc probetur sententia oppolita, quod ex  
tali alienatione facta sine solennitate, si dicatur va-  
lida in foro conscientiæ, nullum creetur Ecclesiæ  
præjudicium; eo, quod maneat nihilominus re-  
scindibilis, & in optione Ecclesiæ sit, vel agere  
contra possessorum ad restituendam rem, vel contra  
alienantem, ut refaciat damnum Ecclesiæ il-  
latum. Neque enim ideo præcisè diciter invalida  
in foro conscientiæ, quod si foret in ea valida  
crearetur Ecclesiæ præjudicium, sed quia iura sic  
voluerunt, ut vel sic etiam remotius ab ea da-  
mnum & fraudes arcerentur, non permitendo il-  
lam ullenatus subsistere, exemplo matrimonii clan-  
destini irritari pro foro conscientiæ.

*Quæst. 171. An & unde in dubio  
præsumatur & probetur in aliena-  
tione rerum Ecclesiæ intervenisse  
solennitatem?*

1. **R** Esp. primò: Tametsi, dum actui non im-  
pugnatur alienatio, defectusque solennitatum  
allegatur ab adversario, pro carum inter-  
ventu, seu omnia legitimè peracta esse, proque in-  
strumento, in quo id narratur, præsumi possit;  
secus, si hic defectus allegetur, ut ex Gail. l. 2.  
obser. 71. num. 6. allegante pro hoc Felin. in c.  
sicut. de sent. & rojudic. num. 28. & Craver. de  
antiq. temp. dicit Wiestn. b.t. num. 92. per se ta-  
men loquendo, instrumentum, alienationis Præ-  
lati sigillo & subscriptione munitum, in quo nar-  
ratur alienationem factam, precedente de eastrat-  
atu capitulari & consensu capituli ex legitima  
causa, etiam specificata, adhibitus quoque ceteris  
solennitatibus, non facit stabilem præsumptionem,  
multoque minus sufficientem probationem,  
ut pro valore alienationis pronuncietur, nisi ali-  
unde quoque constet, aut probetur, solennitates  
intervenisse; cum juxta regulam receptam in solen-  
nitatibus jure requisitis, quibus partes liberè ren-  
unciare nequeunt, non sufficit nudè asserta, & non  
probata narratio, ita Anch. in c. 1. b.t. not. 3.  
Franc. ibidem num. 4. Mascal. de prob. l. I. concl.  
75. num. 15. Laym. d. de reb. eccl. alien. thes. 26.  
quos citat & sequitur Pirl. b.t. num. 33. Arg. c. 1.  
b.t. in 6. ubi verbis Episcopi & Capituli afferen-  
tiū decimas alienatas in Arhidiacionum ob tenues  
reditus illius (et si ea alias fuisse causa sufficiens)  
quia hæc non apparuit, aut probata fuit vera, ut  
Gl. ibidem v. tenues. fides habita non fuit. Ubi  
verò de tractatu capitulari & consensu capituli  
constaret, jam propter ejus autoritatem, præsumi  
de interventu causa legitimæ alienandi, nisi  
contrarium probetur, cum Mascal. l.c. num. 11.  
tradunt. Laym. l.c. & in cit. c. 1. num. 5. Pirl. l.c.  
Wiestn. num. 94. Quod si tamen etiam ad di-  
ctum instrumentum accederet, quod nunquam  
vel diurno tempore alienatio illa non fuerit  
impugnata, aut ei contradicunt, etiam absque  
facta mentione de adhibitis solennitatibus, & ci-  
tra aliam probationem, has adhibitas, & omnia

legitimè acta præsumi posse juxta generalē do-  
ctrinam, quod solennitas extinsecā ex diurnita-  
te temporis præsumatur, ex Masc. cit. n. 15. do-  
cent iidem Pirl. n. 34. Wiestn. n. 95. ita tamen,  
ut præter diurnitatem temporis requiratur ex par-  
te ejus, cui faver præsumptio, possesso, & ex parte  
illorum, qui alienationem, si illegitimè facta,  
revocare & impugnare poterant, & probabiliter  
impugnasse, scientia & patientia. Arg. c. perve-  
nit. de empt. & vendit. Felin. inc. de sent. & reju-  
dic. n. 33. Rosenthal. de fend. c. 4. concl. 32. n. 1. &  
2. Gail. l. 2. obser. 161. Laym. l.c. thes. 27.  
Pirl. Wiestner. LL. cit. Et nihilominus adhuc  
talis præsumptio; cum non sit juris & de jure ad-  
mittit probationem in contrarium, nimur pro  
defectu solennitatum, ut AA. iidem cum com-  
munt. Porro tempus requisitum ad faciendam  
dictam præsumptionem adhibitarum solennitatum  
est 30. vel 40. annorum, ubi mentio de iis facta  
non est in instrumento, & res alienata est magni  
præjudicij, ut Arg. cit. c. pervenit. & cum Abb.  
ibid. num. 7. & 10. Pirl. & Wiestner. LL. cit.  
cum lapsus ille temporis etiam ad tituli præsum-  
ptionem sufficiat. Si verò de solennitatibus facta  
fuit mentio, & res alienata non est tanti præju-  
dicij, sufficiunt 10. anni, ut iidem. Quamvis  
Pirl. cum Menoch. de arb. cas. 433. num. 29. &  
Laym. l.c. thes. 28. dicat, rectius relinquat arbitrio  
Judicis, ut ex conjecturis determinet, quan-  
tum temporis necessarium ad inducendam præsum-  
ptionem adhibiti consensu aliarumque solenni-  
tatum, quas omnes adhibitas ex lapso temporis  
immemorialis, indubitatum, ut etiam eas adhibi-  
tas & rite omnia acta, ex instrumento publico  
cum solennitatibus debitis à Notario publico con-  
fecto præsumi & probari, habet communis; cum  
omnia in eo dispositivè contenta vera præsumuntur  
juxta c. scripta de fide instrument. & L. cum precibus.  
C. de probat.

*Quæst. 172. An & qualiter alienatio  
rerum Ecclesiæ ob omisas solenni-  
tates nulla, iisdem ex intervallo  
supervenientibus ratificetur?*

1. **R** Esp. ad primū affirmativè cum Host.  
inc. c. cum nos. de his qua sunt à Pral. v.  
ratam. Abb. ibid. num. 3. Redoan. de reb. eccl.  
non alien. rub. 30. cas. 6. num. 10. Sarmient. de  
redit. eccl. p. 1. c. 3. num. 1. cum communiore. Et  
quidem factam à Prælato sine consensu capituli,  
aut etiam eo reclamante per præstitum dein seu ex  
intervallo illius consensum, constat, & dictum  
est supra ad tit. præced. defacta vero sine consen-  
su superioris habetur in c. quoties. de pætis. ubi,  
quod conventiones superioris consensum exigentes  
solident superveniente ejus ratificatione.  
Neque his textibus obstant alii; nimur §. 2. de  
Inst. de auct. tutor. & L. obligari. §. 5. ff. eod. ubi,  
quod initus à pupillo contractus sine autoritate  
tutoris, & hinc irritus, hujus consensu seu au-  
thoritate dein superveniente non convalescat. Nam  
in hoc est disparitas, quod pupillo contrahenti  
necessarius sit consensus tutoris, ut supplet, de-  
factum judicij, quo laborare præsumitur. & ve-  
luti informet consensum pupilli, & personam in-  
tegret, adeoque exigatur consensus tutoris in ipso  
actu, sive antequam ad alia digressus fiat, Prælato  
autem